

Obavještenje o zaštiti privatnosti kod obrade ličnih informacija zdravstvenih radnika**Posljednja izmjena: februar 2022**

Astellas Pharma Inc. i njoj pridružene kompanije u svijetu („Astellas”, „mi”, „naš”) poštuju Vaše pravo na privatnost i ozbiljno tretiraju usklađenost koja se odnosi na obaveze o privatnosti; stoga smo pripremili ovo obavještenje o zaštiti privatnosti (“**Obavještenje**”), koje objašnjava zašto i kako prikupljamo, dijelimo i koristimo lične informacije o zdravstvenim radnicima (“**lične informacije**”), te kako možete koristiti Vaša prava na privatnost. Zdravstveni radnik je bilo koje lice u poziciji da propiše, primijeni, kupi ili izdaje proizvode kompanije Astellas, ili na drugi način utiče na korištenje ili odluku o kupovini proizvoda kompanije Astellas. Primjeri zdravstvenih radnika uključuju ljekare, zdravstvene praktičare, medicinske tehničare, farmaceute, koordinateure za transplantacije, stručnjake za refundacije i formularne donosiocel odluka, no definicija zdravstvenog radnika može zavisiti od lokalnog zakonodavstva.

Molimo Vas da odvojite vremena kako biste pažljivo pročitali ovo obavještenje. Ukoliko imate bilo kakva pitanja ili komentare, molimo Vas koristite kontakte koji su dati pod naslovom “**Kako da nas kontaktirate**” u daljem tekstu.

Astellas Pharma d.o.o., zajedno sa kompanijama pridruženim kompaniji Astellas koje su u vezi sa Vama, su kontrolori Vaših ličnih informacija. Više informacija o relevantnom pridruženom subjektu kompanije Astellas je na sljedećem linku: <https://www.astellas.com/en/worldwide>.

Čime se Astellas bavi?

Astellas je globalna farmaceutska kompanija, čije sjedište krajnjeg matičnog društva se nalazi u Tokiju, Japan. Naša misija je poboljšavanje života pacijenata. Za više informacija o kompaniji Astellas, uključujući informacije o našim ključnim terapeutskim područjima, molimo Vas da pročitate poglavlja „O nama” i „Oblasti terapije” na našoj internetskoj stranici <https://www.astellas.eu/about/about/>.

Koje lične informacije obrađuje kompanija Astellas?

Prikupljamo informacije o Vama iz različitih izvora, uključujući direktno od Vas i iz dokumenata i obrazaca koje date kompaniji Astellas kako biste učestvovali u aktivnostima koje sponzorise ili podržava Astellas, poput aktivnosti kliničkih istraživanja i razvoja koje sponzorise Astellas, istraživanja tržišta, studija dokaza iz stvarnog svijeta, ili u drugim kontekstima; od poslovnih partnera (tj. pravnog lica za koje radite), trećih strana (npr. prodavača ili medicinskih agencija) ili javno dostupnih izvora, uključujući profesionalne registre, časopise, naučne portale, PubMed, ClinicalTrials.gov, internetske stranice kongresa, internetske stranice univerziteta ili bolnica, nacionalne registre, platforme društvenih medija poput LinkedIn, Facebook, itd. i *online* pretraživače; biografije i rezimee; te *online* i druge baze podataka (poput baza podataka zdravstvenih radnika koje vode specijalizovani pružaoci podataka) i internetske stranice, koje posjeduju ili njima rukovode treće strane.

Vaše lične informacije koje obrađuje Astellas u širem smislu potpadaju u kategorije opisane u daljem tekstu. Stvarni obim Vaših ličnih informacija koje je kompanija Astellas obradila zavisi o stvarnoj vrsti i obimu interakcija sa Vama i ograničen je na lične informacije koje su kompaniji Astellas potrebne za ostvarivanje svrhe tih interakcija.

Vrste ličnih informacija	Primjeri
Lični identifikatori i biografske informacije	<i>Ime i prezime, uključujući prefiks; nacionalnost; mjesto i datum rođenja; lične fotografije ili slike/glas kod snimanja u poslovne svrhe (gdje je primjenljivo); detalji o identitetu (broj pasoša, broj zdravstvene registracije/identifikacioni broj ovlaštenja, identifikacioni broj jedinstvenog poslovnog partnera kompanije Astellas), naziv profila ili djelovanje na platformama društvenih medija;</i>
Kontakt-informacije	<i>Poštanska adresa (kućna i/ili radnog mjesta); telefonski brojevi; e-mail adrese</i>
Profesionalne informacije	<i>Nazivi radnih mjesta, mjesto rada, zdravstvena/e oblast/i u kojoj ste aktivni, Vaše profesionalne kvalifikacije i naučne aktivnosti (poput godina kliničkog iskustva, broja publikacija o akademskom ili naučnom istraživanju i članaka, učešće u savjetodavnim odborima i kliničkim istraživanjima i ostalim istraživačkim studijama sa kompanijom Astellas i drugim kompanijama, rukovodna mjesta, prezentacije, članstvo u stručnim udruženjima, odborima i komisijama (takođe kod provjere sukoba interesa); biografije, izabrani jezik</i>
Identifikatori kod administracije plaćanja	<i>Detalji o osnovnoj interakciji ugovora i iznosu vrijednosti prenesene na Vas po ugovoru, ako ste krajnji korisnik; brojevi socijalnog osiguranja; jedinstveni matični brojevi; profesionalni identifikacioni brojevi; detalji o bankovnom računu</i>
Poslovno putovanje i organizacija sastanaka	<i>Informacije o putovanju/smještaju/troškovima koje se odnose na poslovno putovanje ili događaje, posebni uslovi (režim prehrane/zahtjevi, informacija o dostupnosti)</i>
Elektronski lični identifikatori	<i>Vaši elektronski identifikacioni podaci kada su potrebni u svrhu pružanja usluga putem internetskih stranica ili aplikacija sa kojima radimo (poput korisničkog imena, šifre, IP adrese, vrsta uređaja, jedinstveni identifikacioni brojevi uređaja, vrsta pretraživača, šira geografska lokacija (npr. država ili lokacija na nivou grada) i ostale tehničke informacije, snimanje slika ili zvuka). Takođe možemo prikupiti informacije o tome o kakvoj je interakciji Vaš uređaj sa našom internetskom stranicom ili aplikacijom, uključujući stranice kojima se pristupalo, dokumente, datoteke koje ste preuzimali (mi koristimo Google Analytics ili Adobe Analytics u ovu svrhu). Za internetsku stranicu Astellas-Pro, verifikujemo Vaš identitet korištenjem usluge OWA (on-line Web Authentication) od IQVIA Inc. Ova verifikacija zahtijeva od Vas da potvrdite Vaše korisničko ime i šifru kako bi se omogućio pristup ovoj zatvorenoj stranici. Naglašavamo Vas da nemamo pristup Vašoj šifri.</i>
Detalji interakcija sa kompanijom Astellas	<i>Detalji interakcije s nama, poput onih koja vrsta sastanaka je održana, razmatrane teme, Vaše poznavanje istih i pitanja koja ste imali o našem poslovanju i proizvodima, koju vrstu materijala smo Vam obezbijedili ili podijelili s Vama i bilo koji odgovor koji ste dali (npr. kada popunite obrasce za prisustvo ili tokom događaja kompanije Astellas, ili kada date odgovor u</i>

anketi), kao i Vaša mišljenja i rutine o propisivanju, rutine koje se tiču Vaših pacijenata i dijagnoze, te slične informacije koje se takođe mogu prikupiti kao istraživanje tržišta i/ili podaci iz stvarnog svijeta kao dokazi putem agencije treće strane ili brokera podataka; informacije u vezi sa Vašim korištenjem, odgovorima i/ili sklonostima uključujući kanale i učestalost komunikacije.

Neke usluge, internetske stranice ili aplikacije, poput Astellas-Pro, bilježe detalje Vaše posjete internetskoj stranici, posjećenim stranicama itd. ali samo gdje je data relevantna privola za kolačiće (cookie) kao što je objašnjeno u daljem tekstu pod naslovom „Kolačići i slična tehnologija praćenja” u relevantnom obavještenju o usluzi, internetskoj stranici ili aplikaciji itd. korištenim za prikupljanje takvih podataka.

Zašto Astellas obrađuje Vaše lične informacije?

Obrađujemo Vaše lične informacije prvenstveno zbog legitimnih interesa, ugovornih svrha i gdje to zakon zahtijeva, kako bismo omogućili naš odnos sa Vama, a naročito u sljedeće osnovne svrhe obrade:

Br.	Svrhe obrade
1	Razviti i jačati naš profesionalni odnos sa Vama i proširiti Vaše znanje o proizvodima kompanije Astellas; proširiti naše znanje o relevantnim područjima bolesti i trendovima u radu sa pacijentima kako bi se poboljšala naša sposobnost za pružanje vrijednog liječenja koje poboljšava živote pacijenata; izvršiti opštu segmentaciju ključnih aktera na Vašem geografskom području i području Vaše ekspertize; identifikovati ključne spoljne stručnjake i identifikovati relevantna studijska mjesta za vršenje kliničkih istraživanja
2	Administrirati naš odnos sa Vama u našim bazama podataka o korisnicima (kao što su Veeva ili Sales Force), uključujući planiranje moguće saradnje, kontakte, posjete i sastanke (virtuelne i/ili fizičke) sa Vama i bilo kakvo naredno izvršenje takvih aktivnosti. Ovo će uključivati planiranje, izvještavanje i praćenje naših aktivnosti sa Vama i materijale koje smo Vam obezbijedili, uključujući mjerenje naših interakcija, što će nam pomoći da razvijemo, distribuiramo i ocijenimo informacije koje smo Vam dali o bolestima i proizvodima i uslugama kompanije Astellas te osiguramo da budu relevantni uzimajući u obzir Vašu ekspertizu, interese i sklonosti na osnovu naše ocjene i rangiranja Vašeg profila i Vaših mišljenja, rutina i praksi; razviti baze podataka ključnih stručnjaka u različitim terapeutskim oblastima; i razumjeti Vaš naučni, terapeutski pristup i zadovoljstvo proizvodima i uslugama kompanije Astellas
3	Administrirati našu interakciju sa Vama u odnosu na sporazum po kome ćete pružiti usluge, uključujući određivanje odgovarajućeg nivoa naknade na osnovu Vaših profesionalnih kvalifikacija (pravična tržišna vrijednost), izvršavanja naših obaveza i korištenja naših prava prema tom sporazumu, ili ako će se usluge pružiti Vama ili organizaciji za koju radite.
4	Dokumentovati naše transakcije sa Vama i i osigurati transparentnost o transferima vrijednosti gdje ste Vi glavni korisnik (poput doprinosa troškovima koji se odnose na edukativne događaje koje organizuje Astellas, uključujući troškove putovanja i smještaja, naknade za usluge govornika i konsultantske usluge)
5	Upravlјati pristancima koje ste dali kompaniji Astellas (poput elektronskih marketinških pristanaka) ili pristanaka kako bi kompanija Astellas otkrila lične informacije koje se odnose na Vas i koje nastaju iz našeg/ih sporazuma sa Vama (uključujući, bez ograničenja, Vaše ime i prezime i iznos i/ili vrijednost transfera izvršenih prema Vama po tim sporazumima) gdje se po kodeksu ili zakonu zahtijeva taj pristanak

6	Upravlјati našim IT resursima , uključujući upravlјanje infrastrukturom i poslovnim kontinuitetom, te dati Vam pristup našim informacijama i uslugama, uključujući osiguravanje restrikcije pristupa uslugama i informacijama koje su ograničene samo na zdravstvene radnike; bolje razumјeti Vaše korištenje naših internetskih stranica i/ili aplikacija i koji Vam je sadržaj interesantan tako da možemo poboljšati kvalitet i relevantnost naše internetske stranice i/ili aplikacija, te za internu analitiku. Neke od ovih informacija se mogu prikupiti korištenjem kolačića i slične tehnologije praćenja, kao što je podrobnije objašnjeno u vrijeme prikupljanja kolačića
7	Upravlјati bilo kojim zahtjevima za lijekovima koje nam možete podnijeti (npr. uzorci ili za milosrdnu upotrebu) i za medicinskim informacijama, uključujući informacije koje se odnose na Vaše pacijente ili lica koja ih njeguju, kako je relevantno
8	Kada to zahtijeva ili dopušta zakon, kodeks ili praksa ili ako je potrebno, omogućiti kompaniji Astellas da zaštiti svoje interese , uključujući upravlјanje našim korporativnim programom usklađivanja kako bi se ispoštovali zakonski, regulatorni, zahtjevi industrije, te dobre prakse i etičke obaveze, u svrhe praćenja, revizije ili inspekcije; uspostaviti zakonska prava, provoditi zakonske radnje ili sudske postupke (na primjer, kada je potrebno spriječiti ili otkriti prevaru ili odgovoriti na regulatornu istragu)
9	Zabilježiti, pohraniti, upravlјati i pratiti neželjene pojave ili probleme sa kvalitetom proizvoda o kojima možete izvјestiti u vezi sa medicinskim proizvodima kompanije Astellas; omogućiti direktnu komunikaciju sa Vama u vezi sa važnim i ponekad vitalno hitnim sigurnosnim upozorenjima i povlačenjem lijekova te olakšati i ocijeniti djelotvornost naše komunikacije sa Vama u odnosu na planove upravlјanja rizikom u vezi sa našim proizvodima na tržištu
10	Vršiti ankete, istraživanja tržišta i projekte praćenja društvenih medija kako bi se razumјela Vaša mišljenja i pogledi o položaju kompanije Astellas u sektoru životnih nauka, te mišljenje i osjećaj zdravstvene zajednice o različitim povezanim pitanjima i temama
11	Efikasno upravlјati našim odnosom sa Vama u okviru sporazuma o saradnji sa našim partnerima (uključujući npr. druge farmaceutske kompanije ili kompanije sa kojima možemo zajednički promovisati neki medicinski proizvod) i olakšati bilo kakve korporativne transakcije i povezane procese dubinske analize. Ovo uključuje prevode poput prenosa dozvole za stavlјanje proizvoda u promet na novog nosioca, spajanja, nabavke i druge vrste zadataka te restrukturiranje kompanije.
12	Efikasno upravlјati aktivnostima koje se odnose na Vaše učešće na sastancima ili događajima online ili uživo koje organizuje ili podržava Astellas; poslati Vam materijal direktnog marketinga, medicinske i naučne izmjene, korporativne informacije i/ili proizvode ili usluge koje pružamo putem pošte ili elektronskih sredstava
13	Ako posjetite naš ured ili lokaciju, uzećemo osnovne informacije iz sigurnosnih razloga kako bismo omogućili pristup zgradi, i takođe možemo uzeti slike sa naših CCTV kamera
14	Dokumentacija i bilješke koje sadrže službenu korespondenciju sa tijelima poput Agencije za lijekove, Ministarstva zdravlja, Fonda/Zavoda zdravstvenog osiguranja i drugih relevantnih tijela i službenih organa koja se odnosi na rad kompanije Astellas kao farmaceutske kompanije.

Uopšte, koristićemo lične informacije koje dobijemo od Vas samo u svrhe opisane u ovom Obavještenju o zaštiti ličnih podataka ili u svrhe koje Vam obrazložimo u vrijeme kada uzimamo Vaše lične informacije. Međutim, mi možemo koristiti Vaše lične informacije u druge svrhe koje nisu nespojive sa svrhama koje smo Vam predstavili (poput svrhe arhiviranja u javnom interesu, svrhe naučnog ili istorijskog istraživanja, ili statističke svrhe) ako i gdje je to dozvoljeno od strane primjenjivih zakona o zaštiti podataka.

Zakonska osnova za obradu ličnih informacija (za zdravstvene radnike u državama Evropskog ekonomskog područja)

Uzimamo i obrađujemo vaše lične informacije kako bismo:

- Ispoštovali naše **zakonske obaveze** prema primjenjivim zdravstvenim ili drugim zakonima (npr. za poreske i ostale finansijske zakone ili zakone u vezi sa transparentnošću)

- Izvršili naš **ugovorni sporazum** sa Vama ili preduzeli relevantne korake na Vaš zahtjev prije ulaska u ugovorni odnos sa Vama
- Zaštitili **Vaše vitalne interese** ili interese drugog lica, npr. informisati pacijente o mogućim neželjenim dejstvima lijeka koji uzimaju
- Gdje imamo Vaš **pristanak** da to uradimo (u tim slučajevima, možete povući pristanak u bilo koje doba)
- Da bi se postigao **javni interes u oblasti javnog zdravlja**, gdje se od nas zahtijeva da prikupimo posebne kategorije ličnih informacija koje se odnose na taj javni interes (npr. mjere za obuzdavanje Covid-19).
- Ostvarili **naše legitimne interese** kao farmaceutske kompanije, kako su detaljno opisani u tabeli „Svrhe obrade” u prethodnom tekstu, i obezbijedili da oni nisu nadjačani Vašim interesima za zaštitom podataka ili osnovnim pravima i slobodama.

U slučajevima gdje naša obrada Vaših ličnih informacija nije već obuhvaćena nekom od gore navedenih zakonskih osnova, mi ćemo Vam ili obezbijediti posebno obavještenje o zaštiti privatnosti koja navodi relevantnu zakonsku osnovu, ili dobiti Vaš prethodni, eksplicitni i specifični pristanak za to.

U slučajevima gdje se naša obrada Vaših ličnih informacija zahtijeva kao dio našeg ugovornog odnosa sa Vama, propust da se obezbijede ovi podaci može spriječiti potpisivanje ugovora ili rezultirati u nemogućnosti kompanije Astellas da ispunjava ugovorne obaveze.

Ako imate pitanja ili su Vam potrebne dodatne informacije koje se tiču pravne osnove po kojoj uzimamo i koristimo Vaše lične informacije, molimo Vas da nas kontaktirate koristeći kontakte date pod naslovom „**Kako da nas kontaktirate**” u daljem tekstu.

Kako Astellas obrađuje moje lične informacije?

Obradićemo vaše lične informacije u skladu sa ovim Obavještenjem i primjenjujući sljedeća načela:

- **Pravičnost:** Pravično ćemo obraditi Vaše lične informacije. To znači da smo transparentni o načinu obrade ličnih informacija i da ćemo ih obraditi u skladu sa primjenjivim zakonom.
- **Ograničenje svrhe:** Obradićemo lične informacije u gore navedene zakonske svrhe i nećemo ih obrađivati na način koji nije spojiv sa ovim svrhama.
- **Proporcionalnost:** Obradićemo lične informacije na način koji je proporcionalan svrhama koje obrada namjerava da postigne.
- **Tačnost podataka:** Preduzećemo odgovarajuće mjere da osiguramo da su lične informacije koje posjedujemo tačne, potpune i, gdje je potrebno, ažurirane.

Kako Astellas obezbjeđuje lične informacije?

Primjenjujemo odgovarajuće fizičke, tehničke i organizacione bezbjednosne mjere kako bismo zaštitili Vaše lične informacije od neovlaštene ili nezakonite obrade ili otkrivanja. Mjere koje koristimo su osmišljene da osiguraju nivo bezbjednosti koji odgovara riziku od obrade Vaših ličnih informacija.

S kim Astellas dijeli moje lične informacije?

Možemo angažovati treće strane za obradu ličnih informacija za i u ime kompanije Astellas. Zahtijevamo od tih obrađivača podataka da obrade lične podatke i djeluju striktno po našim uputama te preduzmu korake kako bi osigurali da lične informacije ostanu zaštićene. Možemo otkriti Vaše lične informacije sljedećim kategorijama primalaca:

Naše pridružene kompanije i kompanije grupe	Objava u svrhe koje su u skladu sa ovim Obavještenjem. Spisak naših sadašnjih kompanija grupe je dostupan na: https://www.astellas.com/en/worldwide
Treće strane – pružaoci usluga i partneri	Treće strane koje nam pružaju usluge obrade podataka ili koje na drugi način obrađuju lične podatke u svrhe koje su opisane u ovom Obavještenju ili Vas obavještavaju kada uzmemo Vaše lične podatke. Te treće strane mogu obrađivati Vaše lične informacije u kontekstu sljedećih kategorija aktivnosti: <ol style="list-style-type: none"> 1. Priprema i širenje edukacije o bolesti te kampanja i materijala o proizvodima, aktivnosti korporativne komunikacije i odnosa sa javnošću na papiru i elektronskom obliku 2. Konsultantske usluge, poput savjetodavnog odbora i fakulteta 3. Istraživanje tržišta i praćenje društvenih medija 4. Planiranje, izvršenje i ocjena naših posjeta, događaja i interakcija uključujući rad u sistemu ili na mehanizmu upravljanja odnosima sa klijentima (CRM) i Profilisanje, segmentacija i usmjerenost 5. Kliničke studije i publikacije uključujući rad sa organizacijama za kliničko istraživanje (CROs) 6. Praćenje i interne revizije i relevantne korektivne/preventivne radnje 7. Zajedničke promotivne aktivnosti 8. Upravljanje upitima trećih strana, zahtjevima lica čiji se podaci obrađuju, pritužbama, pravnim radnjama i upozorenjima na neetičko ponašanje/progovaranje 9. Obrada i plaćanje naknada i organizovanje putovanja i refundiranje troškova i objavljivanje istih na osnovu primjenjivih zahtjeva kodeksa 10. Usluge infrastrukture i aplikacije, upravljanje IT platformom i IT podrška, te interne i eksterne komunikacione usluge 11. Arhiviranje i upravljanje zahtjevima za medicinskim informacijama i/ili izvještavanje o neželjenim dejstvima ili kvalitetu 12. Širenje zakonski zahtijevane komunikacije 13. Pružanje sigurnosti i obezbjeđenja u prostorima kompanije Astellas ili na događajima kompanije Astellas
Konsultanti	Pružanje savjetodavnih usluga od strane agencija, konsultanata, revizora, računovođa, savjetnika, pravnih savjetnika i sličnih agenata u vezi sa savjetodavnim uslugama koje nam pružaju u legitimne poslovne svrhe i prema ugovornoj zabrani korištenja ličnih informacija u bilo koje druge svrhe
Nadležna tijela	Bilo koje nadležno tijelo za provedbu zakona, regulatorno tijelo, vladina agencija, sud ili druga strana za koju smatramo da joj je objava potrebna (i) kao pitanje primjenjivog zakona ili propisa, (ii) za ostvarivanje, uspostavljanje ili odbranu naših zakonskih prava, (iii) kao odgovor na regulatorne zahtjeve ili istrage ili istrage pitanja pokrenutih od strane lica koja upozoravaju na neetičko ponašanje, ili (iv) da bi se zaštitili Vaši vitalni interesi ili oni drugih lica
Potencijalni kupci (i njihovi agenti i savjetnici)	U vezi sa bilo kojom predloženom kupovinom, spajanjem ili sticanjem bilo kog dijela našeg poslovanja, pod uslovom da obavijestimo kupca, on mora da koristi Vaše lične informacije samo u svrhe navedene u ovom Obavještenju
Druga lica	Takva objava će biti zasnovana samo na Vašem pristanku

Astellas ne nudi, niti će bez Vašeg pristanka, prodati Vaše informacije trećim stranama.

Mi takođe preduzimamo mjere opreza da dozvolimo pristup Vašim ličnim informacijama samo onim uposlenicima koji imaju legitimnu poslovnu potrebu za pristupom i uz ugovornu zabranu korištenja ličnih informacija u bilo koje druge svrhe.

Međunarodni prenos podataka

Vaše lične informacije mogu biti prenesene ili obrađene u drugim državama osim države prebivališta, uključujući Kinu, Indiju, Filipine, Singapur i Sjedinjene Američke Države. Ove države mogu imati zakone o zaštiti podataka koji su drugačiji od zakona Vaše države (i, u nekim slučajevima, ne mogu štiti u tolikoj mjeri). Takođe, kompanije naše grupe i treće strane - pružaoci usluga i partneri djeluju širom svijeta. To znači da kada uzmemo Vaše lične informacije, možemo ih obraditi u bilo kojoj od ovih država.

Preduzeli smo odgovarajuće zaštitne mjere kako bismo zahtijevali da Vaše lične informacije ostanu zaštićene u skladu sa ovim Obavještenjem. One uključuju implementiranje Standardnih ugovornih klauzula Evropske komisije za prenos ličnih podataka između kompanija grupe, što zahtijeva od svih kompanija grupe da zaštite lične podatke koje obrađuju u skladu sa primjenjivim zakonima o zaštiti podataka. Takođe možete iskoristiti bilo koje od Vaših prava opisanih pod naslovom „**Vaša prava na zaštitu podataka**“ u daljem tekstu u odnosu na lične informacije koje prenosimo kompanijama grupe izvan države u kojoj živite. Primjenjujemo slične odgovarajuće ugovorne zaštitne mjere sa trećim stranama – našim pružaocima usluga i partnerima.

Dodatni detalji se mogu obezbijediti na zahtjev kontaktiranjem našeg službenika za zaštitu podataka koristeći kontakte date pod naslovom „**Kako da nas kontaktirate**“ u daljem tekstu.

Zadržavanje podataka

Mi zadržavamo lične informacije koje uzmemo od Vas kada imamo tekuću legitimnu poslovnu potrebu ili zakonsku obavezu u vezi s tim. Nećemo zadržavati Vaše lične informacije duže nego što je potrebno u svrhe za koje ih obrađujemo ili ako to zahtijeva zakon, ugovor, globalna Politika kompanije Astellas za upravljanje evidencijama i informacijama i Planom kompanije Astellas o zadržavanju evidencije.

Vaša prava na zaštitu podataka

Odgovaramo na zahtjeve koje primimo od pojedinaca koji žele da ostvare svoja prava na zaštitu podataka u skladu sa svim primjenjivim zakonima o zaštiti podataka.

- Ako želite da **pristupite, ispravite ili izmijenite** Vaše lične informacije, možete to uraditi u bilo koje vrijeme kontaktirajući nas na kontakte date pod naslovom „**Kako da nas kontaktirate**“ u daljem tekstu.
- Možete dobiti pravo da od nas tražite da **obrišemo** Vaše lične podatke u određenim okolnostima, u skladu sa zakonom nadležnim za Vas. Ako želite da iskoristite Vaše pravo na brisanje, molimo Vas da nas kontaktirate koristeći kontakte date pod naslovom „**Kako da nas kontaktirate**“ u daljem tekstu.
- Pored toga, možete dobiti pravo pod određenim okolnostima da **date primjedbu na obradu** Vaših ličnih podataka, tražiti od nas da **ograničimo obradu** Vaših ličnih podataka ili **zahtijevati prenosivost** Vaših ličnih podataka. Opet, možete koristiti ova prava koristeći kontakte date pod naslovom „**Kako da nas kontaktirate**“ u daljem tekstu.
- Slično tome, ako smo prikupili i obradili Vaše lične podatke uz Vaš pristanak, možete **povući Vaš pristanak** u bilo koje doba. Povlačenje Vašeg pristanka neće uticati na legalnost bilo koje obrade koju smo izvršili prije Vašeg povlačenja, niti će uticati na obradu Vaših ličnih podataka izvršenu u vezi sa zakonskim osnovama osim Vašeg pristanka.
- Možete imati pravo na primjedbe na informacije korištene u svrhu direktnog marketinga. U slučaju primjene ovog prava, molimo Vas da koristite „odustati“ (*opt-out*) ili „otkazati“ (*unsubscribe*) funkcionalnost u relevantoj komunikaciji ili nas kontaktirati koristeći kontakte date pod naslovom „**Kako da nas kontaktirate**“ u daljem tekstu.
- Imate **pravo da se žalite organu za zaštitu podataka** o našem prikupljanju i korištenju Vaših ličnih podataka. Za više informacija, molimo Vas da kontaktirate Vaš lokalni organ za zaštitu podataka. (Kontakt-detalji tijela za zaštitu podataka u Evropskom ekonomskom području su



dostupni na: https://edpb.europa.eu/about-edpb/about-edpb/members_en; kontakt-detalji povjerenika za informacije Ujedinjenog Kraljevstva su dostupni na: <https://ico.org.uk/global/contact-us/>).

- Ako primijenimo bilo kakvo automatizovano donošenje odluka, uključujući profilisanje, odmah ćemo Vam obezbijediti jasne informacije o korištenoj logici, kao i o značaju i predviđenim posljedicama takve obrade po Vas.

Klasifikacija i automatizovano donošenje odluka

Možemo koristiti algoritme u našim aktivnostima profilisanja i donošenja odluka. Na primjer, možemo Vas kategorizovati kao zdravstvenog radnika korištenjem algoritma za procjenu Vaše stručnosti, poput aktivnosti na istraživanju i publikacijama, kliničkog iskustva, akademskih kvalifikacija i komunikacionih sklonosti. Koristimo ovu kategorizaciju kako bismo podržali naše planiranje moguće saradnje, kontakte, posjete i sastanke s Vama. Odluke zasnovane na našem korištenju algoritama će u pravilu biti donošene od strane pojedinaca i neće imati značajnog uticaja na Vas. Međutim, pružićemo Vam dodatne informacije i, gdje se zahtijeva, tražiti Vaš prethodni pristanak ako budu korišteni potpuno automatizovani procesi koji će proizvesti pravne ili druge značajne učinke po Vas.

Korištenje internetske stranice ili aplikacije kompanije Astellas od strane maloljetnih lica

Nemamo namjeru da naše internetske stranice, aplikacije ili *online* usluge budu korištene od strane bilo koga ko je mlađi od 18 godina.

Izmjene ovog Obavještenja o zaštiti ličnih podataka

Ponekad možemo izmijeniti ovo Obavještenje kao odgovor na promjene u pravnim, tehničkim ili poslovnim djelovanjima. Kada budemo mijenjali naše Obavještenje, objavićemo sve izmjene u relevantnim dijelovima koji se tiču privatnosti na našim korporativnim internetskim stranicama (spisku naših internetskih stranica se može pristupiti korištenjem: <https://www.astellas.com/eu/worldwide>) i možemo preduzeti odgovarajuće dodatne mjere da Vas obavijestimo, u skladu sa značajem promjena koje izvršimo. Možete vidjeti kad je ovo Obavještenje bilo posljednji put izmijenjeno provjerom datuma „posljednje izmjene” koji je prikazan na vrhu ovog Obavještenja.

Kako da nas kontaktirate

Ako želite da ostvarite bilo koja prava o zaštiti podataka, molimo Vas da podnesete Vaš zahtjev na: <http://www.astellas.com/eu/dsr>.

Ako imate bilo kakva pitanja ili nedoumice o korištenju Vaših ličnih podataka, uvijek možete kontaktirati službenika za zaštitu podataka kompanije Astellas korištenjem sljedećih detalja: privacy@astellas.com.